



Sara Olsvig
Inuit Ataqaqtiit

§ 37 tunngavigalugu apeqqummut akissut nr. 37

30-04-2013
Sags nr. 2013-082769
Dok. nr. 1194529

Postboks 1029
3900 Nuuk
Tlf: +299 34 50 00
Fax +299 32 20 73
Email: iiknn@nanoq.gl
www.nanoq.gl

Asasara Sara Olsvig,

Naalakkersuit Issittumi Ilisimatusarfimmi University of the Arctic pillugu apeqquteqarnermut qujapput.

1. Naalakkersuisut nassuiaaqquneqarput qanoq, aningaasaliinertigut allatulluun-niit issittumi Universitetit suliniaqatigiiffiannut, University of the Arctic-imut aamma Ilisimatusarfiup peqataaffigisaanut tunniusseqataasarnersut.

Akissut: Issittumi Ilisimatusarfik (UArctic) tassaavoq ilisimatusarfiit arlallit ilisimatuussuttigullu suliaqartut ilinniarfiillu assigiinngitsut suleqatigiiffigisaat. Taakkua issittuni nunani assigiinngitsuni arfineq pingasuneersuupput.

Namminersorlutik Oqartussat UArctic-imut toqqaannartumik aningaasatigut tapiissuteqartangillat, kisiannili assigiinngitsutigit suliniuteqartarneranut ikorfartueqataasarluni:

Tamatumani ilaavoq UArctic-ip isumaa suliniutigisartagaalu pillugit nunatsinni ilisimatuussuttigut suliffeqarfiusuni (ilangullugu Ilisimatusarfimmi) ingerlatsinermi eqqartuiffigineqartarmata, ilaatigut ilinniarfiit assigiinngitsut UArctic-mi suliniutigineqartunut nalilersueqataasinneqartittarnerisigut.

Taamatutaaq aamma IIKNN-ip tungaaniit danskit ministeriaqarfianni Issittoq pillugu ilisimatusarnerni, ineriartortitsinerni aammalu qaffasinnerusumik ilinniagaqarnerit danmarkip UArctic-mut tapiissuteqartarneranut atatillugu ataqatigiissaarinneqataasoqartarpoq. IIKNN-i kalaallit UArctic-imut tunngatillugu 2013-mi suut suliniutigineqartariaqarnersut isumasiorneqarsimavoq. Tamatumani kalaallit taamatullu ARTEK-ip ilisimatuussuttigut kissaatigisaat ataatsimoortillugit saqqummiunneqarput (soorlu Nunani Avannarlerni aatsitassarsiornermut tunngatillugu ungasianiit piginnaanngorsaasarsinnaalernissat eqqarsaatigalugit). Tamannarpiarlutik toqqammavigalugu 2013-imut tunngatillugu danskit aningaasaliissuteqarnermimi pineqartut ikorfartortussaassavaat. IIKNN-ip UArctic-i pineqartumut tunngatillugu missingersuusiormerni aallartisaanermilu ikorfartortussaassavaa.

IKNN-ip qulakkeerpaattaaq UArctic-ip Namminersorlutik Oqartussat ilisimatuussutsikkut ilinniartitaanikkullu anguniagaannut Nunallu Avannarlernut atassuteqartunut ilanngunneqarlunilu nalilersorneqartarnissaa.

2) Naalakkersuisut nassuiaaqquneqarput Namminersorlutik Oqartussat tungaan-niit issittumi Universitetit suliniaqatigiiffiannut, University of the Arctic-imut aningaasaliinialersaarnerlutik.

Akissut: IKNN-p Nunarpullu sinnerlugu UArctic-imi sinnisorititap akornanni aaqquusseqatigiilluni 12. marts 2013-mi isumasioqatigiinnermi paaseqatigiissutigineqarpoq, UArctic-i Nunatsinnut assigiingitsutigut minnerunngitsumilu apeqqutini marlunni pingaaruteqartuusoq: Ungasianiit ilinniartitsiamerni (bachelor-itut, master-itut taavalu PhD-itut ilinniagaqarnerni) taamatullu ilisimatusarfinni ilinniagaqartut ilinniartitsisuusartullu akornanni paarlaaseqatigiissitsisarnerni. Ingammik ungasianiit ilinniartitsisarnernut tunngatillugu UArctic-ip iluaqusilluarsinnaanera qularutigineqarsinnaagunangilaq.

UArctic-ili aamma assigiingitsutigut unammilligassartaqarpoq: Assersuutigalugu ungasianiit ilinniartitsisarnernit suli nunatsinni nalilersorneqarsimangillat. Tassami aamma allatigut ungasianiit ilinniartitsinerit sammisarineqartarmata. Tamatuma saniatigut issittumi ilisimatusarfiit allatigut suleqatigiiffeqartitereerput, imatut paasillugu nunatsinni ilinniartitaanikkut ingerlatsiveqarfiit assigiingitsutigut issittumi ilisimatuussutsikkut suleqatigiiffiit annertuumik peqataaffigisareermassuk.

Taamaattumik IKNN-ip pilersaarutigivaa UArctic-i ilanngunneqarlunilu nalilersorneqassasoq ilinniartitaanerup pilersaarusiorneqarneranut ("Ilinniartitaanikkut pilersaarussiaq II"-mi) tamanna Inatsisartut UPA 2012-mi saqqummiunneqartumit ingerlatitseqqiinerussaaq. Tamatumani ilanngullugu nalilersuiffigineqassaaq ilumut issittumi ilisimatuussutsitigut suleqatigiiffimmut UArctic-mut aningaasalersueqataasarnissaaq pissusissamisoortutut isigineqarsinnaanersoq.

Inussiarnersumik inuulluaqqusillunga
Med venlig hilsen



Nick Nielsen